

DE CALCULO URINARIO
EXTRA URINARUM VIAS.

THESES
ANATOMICO-CHIRURGICÆ,

*Quas, DEO JUVANTE, & Præsidi M. JOANNE-
BAPTISTA-LUDOVICO-PETRO DUMONT,
Artium liberalium & Chirurgiæ Magistro, tueri cona-
bitur, ANTONIUS FARGEIX, Claromont-ferrandensis,
Artium in almâ Universitate Parisiensi Magister, Nosoco-
miorumque Castrentium olim Chirurgus, Theseos Author.*

P A R I S I I S,
IN REGIIS CHIRURGORUM SCHOLIS,
*Die Sabbati, 6^a. mensis Septembris à sesqui-secundâ post meridiem ad
septimam. Anno R. S. H. 1766.*


PRO ACTU PUBLICO
E T
MAGISTERII LAUREA.



Typis P. AL. LE PRIEUR, Regii Chirurg. Collegii
Typographi.

M. D C C. L X V I.

R



D. O. M.
 DE CALCULO
 EXTRA URINARUM VIAS.
 T H E S E S
 ANATOMICÆ ET CHIRURGICÆ.



O M O naturæ decus, Creatoris specimen;
 sacraque divinæ mentis imago; etsi mirificè
 conditus, tantâ malorum catervâ discrutatur
 ut nisi opportunum è Chirurgo accesserit
 auxilium, atræ necis falci continuò adducere-
 retur. Adsunt quidem quàm plurima sanitatis
 restituendæ media; at pro fatali rerum huma-
 narum vice, dùm unum prohibetur malum, sæpius sub alterâ
 specie novum & quidem pejus exoritur. Gravissimos inter mor-
 bos Calculi in vesicâ annumerantur: ipsis extrahendis præstò est
 Lithotomia, quæ, etsi diversimodè celebretur, quot & quantis

A ij

4
accidentibus anſam præbet? Inde enim Fiſtulæ, Urinarum
retentio, ipſarum difficilis aut etiam impoſſibilis Excretio, Cal-
culorum extrâ Urinæ Vias formatio, &c. De hoc autem præcipuè
morbo, præmiſſâ breviter partium ſtructurâ, dicemus.

§. I.

ANTERIORE, inferioreque in trunci parte membranoso-ſpon-
gioſus, cui nomen Urethra, canalis reperitur. Iſta mentulæ
pars, in viris, ſingulari modo inflexa, ſemini urinæque exit-
um præbet; in corporum cavernoſorum inferiori ſulco ſita,
à veſicæ collo ad penis extremitatem protenditur. Duabus
præcipuè conſtat membranis: interna veſicæ continua, denſa
lævigata, humore ſtillante madida, pluribus perforatur canali-
culis; externa vero minus compacta à textu cellulari vix differt.
Illas inter membranas ſpongioſa jacet ſubſtantia, inæqualiter
crasſa, ab Urethræ bulbo procedens, exinde mirum in modum
ſparſa, totum ambit canalem, balanumque efformat.

BULBUS ſeu Urethræ protuberantia, eſt corpus oblongum,
proſtatæ proximum; membranaceo ſepto intus dividitur, quo
mediante, erectionis tempore, bipartitus apparet.

IN Urethræ cavo, membranaceam verſus partem, conſpicu-
adeſt eminentia: Verumontanum vulgò, ſeu caput Gallina-
ceum nuncupatur; duobus Excretoriis ſeminalium veſicularum
oſculis gaudet, proximèque proſtatæ Excretorii ambiunt cana-
les, lubricum in Urethram humorem diffundentes.

PROSTATÀ, corpus glanduloſum, ſub albidum, cordis com-
planati figuram æmulans; cujus baſis poſteriùs, apex verò an-
teriùs ſpectat, Urethræ principium ferè cingit. Aliæ adſunt
Glandulæ, ut, Littrii, Cowperi, &c.

SEX circà partes ſupradictas annumerantur Muſculi, Iſchio-
cavernoſi, ſeu Erectores: à facie internâ Ramorum Iſchiorum
originem ducunt, & cavernoſorum corporum principium con-
comitantes, cum iis aſcendunt, & eorum unioni ſuprà penem
inferuntur.

BULBO-cavernoſi ſeu acceleratores, Muſculi Penniformes,

5

Ani sphincteribus & triangulari ligamento inter ossa Pubis adherent, deinde in latum expansi, Bulbum & Urethram obtegentes, Cavernosorum corporum lateribus terminantur.

TRANSVERSI ab Ischiorum tuberositatibus ad Urethram, sub Prostatae apice tendunt.

His Musculis quatuor addit Winslowius: (a) Prostatici superiores à facie internâ Rami Pubis internos propè obturatores oriuntur. Inferiores ab unione Ramorum Ischii & Pubis ad Prostatham quam obvelant, se se extendunt.

ACCEDUNT & alii (juxta eundem Winslowium 570) ab Ischiis propè & infra Ischio-cavernosos ad Urethram propè Bulbo-cavernosos.

ISDEM ac aliæ corporis partes istæ operiuntur. Textus Cellularis hic, ut plurimum, pinguedine destitutus est. Cutis laxa, tenuis, ab ano ad Scrotum lineâ saliente, Sutura, seu Raphe bipartita, multis Glandulis Sebaceis pilorumque Bulbis donata, Scrotum seu Burfulam efformat; ista infra penem pendens Burfula, Membranâ musculosâ, Dartos dictâ, intus dividitur, quâ roboratur, in duos loculos dividitur, extusque corrugatur.

SPATIUM à Scroto ad anum, & ab utrâque Ischiorum tuberositate laterales habens limites, Perinæus nuncupatur.

PARTES jam laudatæ innumeris irrigantur vasis; arteriæ ab hypogastricis, pudendis, & cruralibus oriuntur.

PER ejusdem nominis venas sanguis revehitur. Nervi à facris, lumbaribus, & intercostali ortum mutuuntur.

§. I I.

CALCULI licet Urinarii sæpius intrâ Urinarum Vias efformentur, eosdem etiam quandoquæ extrâ easdem Vias generari apud Autores & Præcticos pro certo habetur. Eadem est horumce Calculorum genesis & natura; sede tantum inter se differunt.

(a) Vid. Winslow. 574. & 575. Exp. Anat. *Traité du Bas-ventre.*

Si enim in quâcumquē parte Urina stagnet & commoretur, tunc concreſcentibus ipſius particulis fixis & terreſtribus, jam oritur Calculus, novo Urinæ fluxu, morâque quandoquē mirum in modum adaugendus (a).

VARIA eſt horum-ce Calculorum fedes; prout Urina hîc aut illic, ſolutâ partium cohæſione, ſtillans commoratur.

HINC, modò in Scroto, modò in Perinæo, textuque Cellulâri ſæpè-ſæpiùs producuntur. Capsulis peculiaribus quandoquē includuntur illæ concrectiones, tunc incarceratæ nuncupantur; quandoquē dilatato textu Cellulâri, liberæ fluitant: nunc multiplices intrâ varias textûs adipofi Cellulas diſtinctæ oriuntur; nunc è contra, unicæ majorem in molem concreſcunt: cæterùm, mole, ſoliditate, figurâ, numero inter ſe diſtinguntur.

RIMA quælibet, ſeu Fiſtula Urethræ, cujus os anguſtiſſimum; intrâ textum Cellularem hiat, hujus-ce morbi cauſa annotatur proxima. Hæc autem Fiſtula vel ad partes Vicinas, integrâ cute, tantùm extenditur, tuncque interna ſeu incompleta nuncupatur; vel utrinquē patens Urethram & cutem ſimul erodit; & completa tunc habetur; nonnunquàm in plures Sinus abit, & in Clepſydræ modum Urinas fundit, partesque Vicinas erodens diverſimodè exteriùs ſerpit.

REMOTAS inter hujus-ce mali cauſas recenſentur, iſtus, lapſus, vulnera, abceſſus, ulcera circa Urethram, varii in Urethrâ obices, lues Venerea, Perinæi & Veſicæ punctio; ſed inter frequentiores non hîc omittenda Lithotomia præcipuè cum magno apparatu, nec-non intempeſtiva præcepsque Vulneris poſt operationem conglutinatio. Hanc equidem curandi normam; de rebus leviter & abſque doctrinâ judicans laudat imbecile vulgus; at quis rerum Chirurgicarum gnarus nescit ſic conſolidatâ cute vulnus Veſicæ internum adhuc hians, Urinâ laceſſitum indurari, & in Fiſtulam abire; unde Fiſtulæ in Perinæo, Abceſſus, Calculi, &c. (b).

(a) Vid. in Aët. Ac. Regiæ Chirurg. Clariff. Louis, *Sur les Pierres Urinaires formées hors des voies naturelles de l'Urine*, in quâ proponuntur exempla Calculorum mole majorum, in Perinæo, vel vicinis partibus.

(b) Hac de re conſulas Aët. ejuſdem Ac. Reg. Chirurg. tom. 3. *Expé-*

PER specillum aut digitis explorato morbo, Calculi existentia, duritie & renitentia, dignoscitur; habitâ ratione loci in quo morbus apparet, ipsius sedes dijudicatur; si ipsius moles digitis compressa, æqualis videatur, totaque moveatur, unica pronunciatur; si è contrâ in-æqualis, divisa, tota simul prementi digito non cedat, tunc plures Calculi efformari possunt. Denique si quædam è supradictis causis morbum antecesserit vel concommitetur, tunc certius morbi natura, causaque elucidantur.

A statu partis affectæ, ab ægri temperamento & ætate, à Calculi mole, sede, figurâ, numero, & ab accidentibus deducenda prognosis.

HABENDA est etiam ratio causarum: nihil enim, vel saltem parùm periculi pertimescendum, si ab ictu, Vulnere, vel post Lithotomiam, oriatur Calculus in adulto sanoque homine, Canali libero existente, angustâque Fistulâ internâ; non item si ab Ulcere, nimia Urethræ erosione, lue Venereâ, majori quodam in Urethrâ impedimento, Fistulâ complicatâ in plures exitus divisâ, consequatur; tunc enim morbus antecedens curandus, qui, cum sit gravior, imò sæpius curatu difficilior, ancipitem & periculosam offert prognosim.

CALCULI nocentis extractio, præcipua sanè indicatio curatoria, at manca foret curatio, nisi, extracto Calculo, Fistula interna consolidaretur. Ut priori indicationi fiat satis, resupino ægrotante, ritèque collocato, idoneâ incisione institutâ, pro artis legibus extrahitur Calculus. Deinde ut curationi perfectæ provideatur, vel Cereolis mollienda, vel Causticis rodenda, vel Scalpello incidenda sunt Fistulæ ora: tuncque digerentibus, detergisivis, & exsiccantibus ad perfectam solidamque cicatricem Vulnus perducendum.

VARIA licet admittantur media quibus Callosa Fistulæ internæ ora evanescant, non unus idemque debet esse curandi modus; Caustica competere possunt Fistulæ internæ minori,

riences sur la Lithotomie, pag. 646. & suiv. necnon Fabricium Hildanum in Libro de Lithotomiâ, cap. 23. de horrendis ac perniciosis quibusdam erroribus quâ... à multis vulgaribus Lithotomis committuntur.

in quâ levior tantum callositas; infidus sæpè ipsorum usus; partium deperditionem auget, Fistulæque conglutinationi obstat; ipsis ergo cautè utendum, imò sæpius abstinendum.

Si Fistula minor Vulnus Vesicæ consecuta fuerit, extracto Calculo, Cereolis in Urethram immixtis potius emollienda. Ortâ sic leviori suppuratione, in Urethram immittatur Catheter cavum nudum, vel emplastro quodam idoneo obductum, tunc Urinâ versùs Fistulam non premente, ipsius ora cicatrice obturantur; sicque tutior, benigniorque obtinetur curatio.

FISTULA completa, Callosa magis, quæ in plures Sinus abit quibus depluit Urina, Scalpello meliùs curatur. Unicâ sectione Fistulæ callositates incidantur, conciliatâ suppuratione emolliantur, immisso postea cathetere obturabuntur Sinus.

Si ab ulcere intrâ Urethram Calculi formatio consecuta fuerit, post extractionem adhibenda sunt Cereola quibus Fistulæ ora emolliantur, & postea cicatrice spontè approximabunt; Fistula lue Venereâ complicata, præmissis remediis ad hunc morbum specificis, postea eodem modo feliciter curatur. Fistula Lithotomiæ succedens, curabitur ut antea; at ut malum illud, post Lithotomiam, præcaveatur, continendus æger, ne intempestivè moveatur; si cicatrice exteriùs jam procedente, fiat Urinæ stillicidium, tunc Cereolis & Cathetere utendum, Urinâque per Catheterem fluente, compressio exterior non negligatur. Deniquè pro variis casibus adhibitis remediis idoneis, post extractionem Calculi, Catheter & Cereola pensum absolvunt, morbumque ad curationem ducunt.

F I N I S.